

# KI KYNDON, JINGTHMU BAD KI RAI JONG KA \_\_\_\_\_ S.H.G.

Ngi ki shiphew ngut ki nongshong shnong jong ka shnong -----  
ba shong ba sah ha ka kyntoit/dong ----- ha ka jingiaithuh  
ithaw bha bad ha ka jingiaieit bad ia sngewbha lang i wei ia i wei pat, ngi la ia kwah ruh  
ban iarap bad ban ia kyrshan lang iwei ia iwei pat ha ka ba ia dei bad ka kam ka jam, ka  
trei ka ktah, ka eh ka shon bad ban ia kyntiew lang iaka ioh ka kot bad ka roi ka par para  
member.

Kumta ha ka tarik bnai -----snem-----ngi la ia lum ia ka jingiakynduh  
lang ban ia pyrkhath halor kane ka jingthmu, bad ha kane ka jingialang da kawei ka  
jingthmu ngi la ia rai ban ia long noh kum kawei ka seng khnang ba ngin kham lah ban ia  
trei kam. Kumta ha kane hi ka sngi ngi la iaseng ia ka seng, da kaba ngi la ai kyrteng da  
ka”,----- Self Help Group”,(S.H.G.) Kaba ngi mut ha ka ktien  
khasi, Ka kynhun treilang ban ‘Iarap da la de Ia lade “ban kyntiew ia ka ioh ka kot.

## **KI JINGTHMU/AIM AND OBJECTS** :

Ka jingthmu ba kongsan eh jong ngi ba ngi iaseng ia kane ka kynhun ka long:

1. Ban iohlad ban iarap bad ban ia kyrshan iwei ia iwei pat ha ba donkam, da ka bor ne da ka dor (pisa)
2. Ban iarap bad ban ia kyrshan lang ban iasengkam sengjam bad ban ia iohlad ban ia pynneh ia ka kamai ka kajih.
3. Ban ia kynshew pisa lang khnang ban pynmih phon bad ban ia ioh lad ban ia sengkam markylliang.
4. Ban iohlad ban iasnoh bad kiwei pat ki Organisation/NGO ne Agencies, khnang ban ioh ban leit na ka bynta ki Training ba pher ba pher.
5. Ban iohlad ruh ban wanrah ia ki Training ba pher bapher hapoh shnong pothaw, kum ki awarness programmes bad kiwei kiwei ki training ki ba don kam na ka bynta ki nongshong shnong jong ka shnong.
6. Ban nangpynskhem shuh shuh ia ka jingiatylli ka jingiatreilang bad ka jingiaieit ka jong ka lad ban jop bad ban ratdyngkhong ia ka jingduk jingkyrduh.
7. Ban iarap ban pynioh Loan(Ram) ia ki para member ha ba donkam bad ban iarap lang ban nangpynsiew ia ka Ram ha ba ki para member kim pat lah ban siew ia ka Ram ha ka por ba la buh ban siew na ka daw ka jingduh ka kam.

8. Ban iarap ban pynbha ia ka shnong kathaw, ia ka mariang, ia karep kariang, ka umbam ka umdih bad ia ka jingkoit jingkhiah da kaba wanrah ia ki Training Programme ki ba iadei.
9. Ban pynshlur ia ki kynthei ba kin iashimbynta ha baroh ki kam ki ba iadei bad ka kiew ka sam ka ioh kakot, karoi ka par ne ka pyrkhath ka pyrdain ha ka kam shnong kam thaw.

## KI RAI JONG KA KYNHUN (THE RESOLUTION)

Na ka bynta ban pyniaid ia ka jing trei kam jong ka kynhun ngi la iarai lang ban da buh ia ki ne ki kyndon ha rum:

1. Ha kane ka kynhun ngi la iarai ban don tang -----ngut ki member (ngut)
2. Ha kane ka kynhun ngin don tang arngut ki nongkit kam ki ba ha khmat, ki ta ki long ( i) Chairman (ii) Secretary bad kin treikam ryngkat ka jing iarap jong u animator(Nong (Mynsiem).
  - (i) Chairman: Ki kam ba U Chairman U dei ban leh ki long:
    - i. Ban pyniaid ia ki kam jong ka kynhun da ka jingiarap jong U Secretary ne U animator bad ki member baroh.
    - ii. Un long u nongplie nongsdang bad ban ialam ia ki Group member ban ia shimbynta ha ka pyrkhath ka pyrdain, bad ban long u nongpynshlur ia ki member baroh ban ia shim bynta ha ki kam baroh.
    - iii. Ban pynshisha halor ka rukom pyndonkam ia shisha ia ka pisa jong ka kynhun ha ki kam ba ppher bapher.
    - iv. Un long u nongbat ia U Shabi ka pla pisa.
  - (ii) Secretary: Ki kam ba U Secretary u dei ban leh ki long:
    - i. Ban lum ia ki jingialang, bad ban long u nongthoh ia ki jing thoh baroh kiba iadei ha ka kynhun. Khamtam ban buh jingthoh ka ba biang ha ka ba iadei bad ka kam pisa pilain, da ka jing iarap u animator ban kyntiew ha ka Cash Book.
    - ii. Ban pynshisha ia ka jingidei ba man u bnai, ban pynlong ia ki Training ryngkat ka jing iarap u animator.

**iii.** Un long ruh u nongbat ia ka pla pisa jongka kynhun

3. Ki member ki ba kwah ban mihnoh na ka kynhun ki lah ban mih tangba ki dei ban pyndep shwa ia baroh ki kam ki ba iadei bad ka kynhun. Khamtam ki dei ban siew shwa ia ka ram lada ki la shim bad lada kim pat siew, lym-kumta yn ot na ka pisa ba ki la kynshew.
4. Ki member ki ba kynshew ha ka kynhun, ki lah ban shim noh ia ka pisa ba ki la kynshew ha ka kynhun, ka sut bad ia ka trai,tang ba kimlah shuh ban ioh bynta ha ka jingmih na ka no kano ka kam ba dang pyniaid da ka kynhun, na duh ka tarik ba ki la mih. Kin ioh ia ka bynta tang kat haduh kata ka sngi ba ki mih.
5. Ki member baroh haba ki mut ban sdang ia ka kam da kaba shim Loan (Ram) ka kam kan long beit ka ban ai jingmyntoi ia ki bad ruh kan longda kaba ia tip bad iohi lang da ka kynhun ia ka ta ka kam kaba ki mut ban leh ne kaba ki la leh ka ba ki mut ban pynheh da kaba shim da ka Loan (Ram).
6. Ban ai loan na ka pisa jong ka seng ne ka fund seng ia ki para member kan long beit da ka jing ia tip lang jong baroh ki member bad ruh ban pynioh loan ne ban ai loan kan long beit da ka jing ia beit bad ia mynjur lang da baroh ki member ki ba ia don lang ha ka jingialang.
7. Tang President bad Secretary kim lah ban rai ne ban ai ia kano kano ka rai kaba iadei bad ka kynhun.
8. Tang President bad Secretary kim lah ban long ki grantor ha ka ba iadei bad ka Loan, ia ki member ki ba pan loan na ka kynhun ne ka Bank.

9.

**JINGIALANG(MEETING)**

Ia ka jingialang jong ka kynhun la iarai ba kan long kumne:

- (i) Ia ka jingialang jong ka kynhun yn pynlong man la u bnai.
  - (ii) Ia ka jaka ban pynlong jingialang bad ia ka por ka tarik dei ban ia jied lypa ne ia buh lypa ha ka jingialang ka ba long khatduh.
  - (iii) Chairman ne Secretary ki lah ban khot ia kano kano ka por ia ka jingialang lada don kam.
10. Ka jingialang kam lah ban long tang 8 ne 9 ngut lada ki member baroh jong ka kynhun ki ia don \_\_\_\_\_ ngut. Hynrei ka lah pat ban long lada ki member ki ba pep ia ka jingialang ki la ai ia ka dw ka ba biang ba kim lah ban poi sha ka jingialang bad ha ba ki la ai ruh ia ka jingmynjur ba kin kohnuh ia ki ei ki ei ki ba la iarai bad ki ba la pyniaiad..

11. Tang Chairman bad Secretary, ne tang President, ne tang Secretary kim lah ban rai ne ban buh ia kano kano ka kyndonain ha poh ka kynhun
12. Ki ba pep bad ki ba wan slem sha ka jingialang kin hap siew ia ka fine kaba Rs.-----bad ia ki ba pep iaka jingia trei kam lang ba la pynbeitda ka kynhun ha ka meeting kin hap ban siew kat ka dor shi sngi bylla.
13. Ia ka ne ka pisa yn buh ha ka fund bad kaba lah ban pyndon kam lada ka ka kynhun ka don kam.

14.

### **BAN LONG MEMBER : (MEMBERSHIP)**

- I. Lada don ki ba mih noh na ka kynhun, kata ka mut lada la duna na ka \_\_\_\_\_ ngut, ki member kin ia wat paralok biang. Ne lada don ki ba kwah ban wan join kin hap ban apply sha ka kynhun da ka jing thoh lyngba u Secretary/Chairman bad shwa ban pynrung ki member ki ibit ki lah ban khot ban ia kren sngewthuh ha ka jingialang bad pule ia ki rai baroh, hunrei kim lah ban object ia ki kyn don rai ba la thoh, ki lah ban aijing mut lada ka long ban nangpyn bha.
  - ii. Ki lah ban ioh iaka bynta tang naduh kata ka sngi ban ki rung lada kin siew shwa Rs.\_\_\_\_\_ kum ka entry fee.

15

### **DUH LONG MEMBER:**

- i. Lada ki pep ban wan sha ka jingialang 3 sien nephang khlem ka daw ka biang.
- i. Lada ki wan man kapor da kaba dih kyiad bad kren buiad ha ka meeting.
- ii. Lada ki long ki ba don bynta ha kino kino ki kam sniew ha poh shnong poh thaw, ne lada ki long kiba pynmih jing sniew kum ki kam awria.
- iii. Kat kum kitei ki kyndon ngi la rai lang ha ka meeting ba yn shu ong beit ia kum uta ba un mih noh na ka kynhun bad kan hap kat kum ka kyndon rai 3. Bad yn ia bishar da ki khyndai ngut ki members ban pyn shisha ia ki kam ba u leh la ki dei hok ia u ba un mih ba u la pyn-khien ia ka ain.

10. Lada kim pyn trei bha ia ki pisa ba ki la shim bad lada kim siew ia ki ram ba ki la shim, hynrei kan hap kat kum ka kyndon rai kaba 3. (Balai)

17

## KA FUND NE SYNNIANG

- i. Ban pynmih fund ngi la rai lang ban ia kynshew man la u bnai Rs.----- tyngka bad la pdiang sngew bha ruh ia kiba lah bad ba kwah ban kynshew pisa shimet. Ia ka sut bad ka trai kan long hi ka jong ki , tangba ki dei ban kohnguhia ka rukom pyn-iaid jong ka kynhun.
- ii. Ia ka pisa, ka jing trei, ka jing khein jing diah bad ka jing siew baroh kan long ha ka ,miej jong ka jing ia lang.
- iii. Ia ka pisa bala kynshew man la u bnai yn leit thep sha Bank lada ym pat don ba kwah bad pyndon kam na ki members, bad leit draw ha ba don kam.
- iv. Kiba mih noh na ka kynhun ne kiba kwah ban shim noh ia ka pisa shimet ki lah ban ioh tang ha bala kut snem.
- v. Ngi la iarai ruh ba ia ka pisa jong ka Seng haba ai ram sha kimember yn ia khein ia ka sut Rs. -----Tyngka na ka Rs.100/- ha ka shi bnai/shi snem.
- vi. Ia ka jing don jong ka pisa yn ia khein ha man ka jing ia lang kut snem, bad yn ia bynta ia ka ba iohnong mar katjuh ha baroh ki para member.

**Ki member jongka kynhun ki dei ki ne ki ba ia soi kyrteng harum**

18.:

<b>Sl. No.</b>	<b>Kyrteng</b>	<b>Rta</b>	<b>M/F</b>	<b>Kyrdan pule</b>	<b>Kam ba trei</b>	<b>Jingsoi</b>
1						
2						
3						
4						
5						
6						
7						
8						
9						
10						

Chairman

Secretary